

廣德州志卷四十一

人物志 文苑 武功 孝友

文苑

山水之秀蔚爲人文上下數百年間其煌煌鉅製茹古涵今者固足立言不朽他若篤志好學閉戶授徒以詩文名於時亦有不可沒者概之曰文苑

宋

查揆號霽山深之孫幼俊敏能文熙甯中升上舍生神宗問近臣舍選得人否有以江南查揆張汝舟對後第進

廣德州志

卷四十一 文苑

一

士爲太學博士臥疾不起陳紆以詩悼之曰舍法得才

傳黼宸古人馳譽重賢關 明一統志

沈虛中字太虛宣和中進士

案虛中宣和沈晦榜進士萬曆選舉志及楊門志並同惟

萬曆志傳作紹興誤今改正翰林院知制誥天資聰慧博洽有聞所

著有資治通鑑事類左氏國語要略考異國史要綱桐

川集官至吏部尚書

萬曆志通志案吳曾能改齋漫錄稱沈太虛侍郎虛中則由侍郎進

尚書也時秦檜病帝命虛中草檄及其子熺制並令致仕

續通鑑

綱目

何大圭字晉之年十八試禮部第一以文章著名

南畿志又通志

云詩文有聲重和間爲館職案大圭政和未進士其爲館職當在重和間詩話及志俱作宣

政誤今改正其人跡跡不羈仕宦晚亦不偶嘗有詩曰茅屋

松窗小隱家茶烟漠漠水斜斜簷間乳燕未成語庭下

石榴爭放花賴有詩書銷白日倦隨車馬走黃沙林泉

舊約好徑去風雨滿江垂釣車又有聯云蜂垂倒世界

蚊集小雷霆又嘗爲姓韓貴人作樂語乃以唐吏部漢

將軍爲對亦有巧思庚溪詩話參萬厯志

明

韋暹字廷昇建平人清貧苦學以文行名州守周瑛甚重

廣德州志

卷四十一 文苑

二

之成化十六年貢授代府審理正李志

濮陽漢字致昭初號橫山志行純篤嘉靖七年舉人卒業

南雍司成張文定公極見推譽謂其試論出程篁墩上

二十七年就選太宰聞石塘公試以歲寒松柏論擢第

一授工部司務奉命往江西造費尙書墳遇東廓鄒先

生于上清宮講學刻有信游奇遇錄厯陞南京戶部浙

江司郎中以志行違時致政歸據濮陽氏譜增

袁茂獻字忠卿號心玉建平人弱冠爲諸生沉靜篤學宣

城司成湯睡菴奇其文締忘年交嘗擬歲薦不就時手

一經訓子孫以壽終

李志

韋傑字謙甫號南明建平人由選貢授無極令以執法觸權閹謫改永平教授遷北雍學錄永州司理所在政聲甚著踰年引退杜門著書有詩經明辨十卷北遊草二卷杜律五言註七言註各二卷子大有領鄉薦亦官司

理

楊志

潘嘉字子會建平人性孝友嗜學能文入太學選廣東布政司理問介直不阿投劾歸闕一圃曰賦閒與同人觴咏其中太史馮夢禎銘其墓

楊志

廣德州志

卷四十一

文苑

三

王際盛字有五號鄴仙建平人博涉羣書十七補諸生守令走幣徵文無虛日邑令朱敬鏐器重之著涵碧樓稿二十卷

李志

王際孟字象春號育圖建平人接物藹然工古文詞邑有大著作半出際孟手兩中副車

李志

孫振宗字簡伯家貧力學無寒暑晝夜櫛沐幾廢萬

厯壬

子舉人尤善古文詞

通志 楊志

戈維屏字元衛號濬川攻苦積學萬

厯

辛卯舉人胸次爽

越言論煥發桐川英俊皆出其門

萬厯志 通志

張元庚字以長號長琴建平人天啟辛酉舉人七歲能文
博涉經史百家修身立德以古人爲期遠近從學者數
百人著述甚富子麟儒宗禎癸酉舉人

楊志

夏儀字長卿號麟之良心之孫頎然玉立咳吐成文時有
子瞻之目嘗從舅氏韓敬入長安名動公卿崇禎辛未
進士授中書科舍人分校北闈所得皆知名士使松江

便道歸卒於家

通志
楊志

雲一穎字叔含號耐菴資敏悟總角能詩善屬文有蒙莊
大蘇筆意國變後入山不出於四書詩易書等經諸子

廣德州志

卷四十一

文苑

四

史皆有論說發前賢所未及又著問異賦三千餘言

李志

王曰如字弗如號石崖少擅文譽崇禎己卯副榜家貧好
吟咏興到疾書多牢騷寄託語論者謂其匠心獨照不
向世人索解也晚遊閩楚所至畱題有吟父感遇詩其
師新安學博許啟洪序之

據許

曰如精醫不取直里人

高其行購田二十餘畝贈之

據墓
志

濮陽長字長公號震初幼孤事母許以孝聞嘗從陳寒山
遊與南社又立桐溪大社講學郡中時錢吉士楊維斗
沈眉生咸器重之崇禎十六年由恩貢授教諭辭以母

老自號天遊居士著二可堂集亦悅居草

據濮陽氏譜增

盛於德篤學好古於世味泊如也生平健著述藏有州志舊本手錄軼事俱極公慎乾隆四年州守李修輯郡志

多採之

李志

史大綱字正之建平人諸生性介直重然諾族姓繁衍有不平質之大綱一言解去族之無訟者四十年生平好古力學手錄史漢綱鑑諸書而評注之子繼佚登順治

丁酉舉人

楊志

國朝

廣德州志

卷四十一

文苑

五

夏君信字君實建平人敏慧善屬文試輒冠軍居家孝友秉性介然不苟凡眾所豔趨者淡如也以貢生終

李志

戈標字闇生號霽園家貧好學通經史百家言康熙甲

午選貢州守楊延輯州志甲子聘修江南通志標與建

平諸生姚錄王翹與其選標年近七旬最爲耆宿分門

纂輯焚膏不倦四閱月竣事旋郡侯朱尤推重之

參通志及

戈氏譜增

夏迪忱字籲俊號若齋康熙壬戌進士讀書寒暑不輟文章醇正郡知名士多出門下嘗自塾歸聞哭聲甚哀

訊之乃莊姓負債鬻妻卽傾篋中金代償之歸家歲暮無以舉火恬如也又有賣兒償逋者號於野迪忱解囊贖之其慈祥惻怛類此持躬雅飭登第後尤肆力詩書

至老益篤

李志

夏澍字雨蒼號敬川康熙甲子拔貢授山西襄陵知縣以疾未赴澍苦志積學以主敬窮理爲要盡絀岐說大司成徐健菴翁鐵菴深折服之安溪李公延主講席講道論學名重京兆著有朱註發明可亭朱公深嘉之又

有朱註釋義朱子本末學者稱雨蒼先生

李志

廣德州志

卷四十一

文苑

六

岑岳字予申建平人才情敏慧襟懷曠達舉孝廉甘於淡泊詩酒自適醉後援筆千言立就有謫仙之風惜未展其志而卒

李志

嚴文在字聚東號清澗建平人康熙丁酉解元戊戌進士選庶常授檢討孝友忠誠恂恂雅飭爲文章爭相傳誦咸以爲有德之言惜未究其用

李志

戈象雍字佑康康熙丁酉舉人天性高曠不問家產廩無擔石儲晏如也奉養二母必致甘旨與人交未嘗言人過有一善輒揄揚不置人稱長者自少能文與雲中

官巫裡孫齊名既而雲巫成進士象雍屢試不第益肆力於詩古文詞所與遊皆當世知名士大宗伯吳青陽素推重之督學畿輔延佐衡文象雍以母老堅辭歸養著有四書文稿

李志

王翹建平人邑諸生受業於徵士沈耕巖博聞強記多著述甫脫稿輒相傳寫時奉臺檄徵各屬名士修江南通志翹應召制府虞公甚加敬禮焉

縣志

嚴君立字聖基建平人庠生從宣城孫喆遊潛心篤學而於陰陽奇耦論辨尤精以攻苦致疾卒年僅三十三

廣德州志

卷四十一

文苑

七

生平著述俱散失士林惜之

縣申

方穀字嘉禾號栢溪己酉拔貢揀選知縣以親老歸養生平寡交遊以詩文過從者祇二三人居城中足不涉公庭當道間以詩文見招偶問及外事默不應性緘默訓及門則講論不倦與修州志年六十八未及赴選而卒子兆元歲貢生學使劉梁先後舉優諸孫俱遊庠食

餼者二人

公舉

陳士玉字崑田號靈巖雍正乙卯舉人七歲而孤母洪撫教之性沉靜寡言笑工文藝居家雍睦屢試不偶教

授生徒室廬僅蔽風雨乾隆辛巳會試以

恩例給國子監學正壽七十卒長子鳳詔庠生早卒

家傳

宗兆燕字玉懷建平人與從兄兆熊俱能文兆燕尤長於古文駢體兼工書法兆熊壯年選貢尋卒兆燕年五十始入成均杜門授徒終其身富於著述而不留稿與

驚名者異

縣申

濮陽模字窗耘乾隆庚辰舉人幼孤事繼母撫二弟以孝友聞好學工詩文杜門課子授徒橫山州守劉以禱雨至請見之模託辭避去守高之著有映劔集嗣子翀

廣德州志

卷四十一

文苑

八

廩生模從弟慎字徽五九歲能誦魯靈光殿賦嗜書聚至萬卷從模學詩一年而成有傑句多識郡中舊事著木齋集性放達以選貢終

家傳

李仁曾字元建歲貢生讀書多慧解居母喪一慟幾絕遂患心痛終其身家貧得館粟必分給異母弟知醫見招輒往性嗜飲百觥不醉酒後爲文及書益超逸有奇氣與濮陽模交厚著有篆香詩集

公舉

沈嗣進字俊三號筠坡乾隆癸酉拔貢候選直隸州佐其祖洪字冀尊潛心理學能詩文人稱卓菴先生以諸

生終嗣進自幼爲洪所器及遊庠試輒冠軍交遊皆一時名士九赴鄉闈屢薦不售以親老絕意仕進一編而外泊如也教授生徒各有成著有筠坡詩草學庸纂要易經精義藏於家子懷五增生煒廩生

公舉

陳錫字菁莪號桐溪乾隆丙戌進士授工部營繕司主事六歲喪父哀痛如成人比長好讀書得官以母老乞歸色養備至母偶有怒錫輒牽衣索果如小兒狀母爲開顏其至性有過人者未幾以疾卒生平喜遊所至題咏說者謂有建安風骨其友濮陽模爲輯其遺稿名桐

廣德州志

卷四十一

文苑

九

溪集

陳氏譜

吳延暎字雯照幼卽嗜學性貞慤爲諸生課徒北鄉二十年嚴立課程剛介不苟及門皆謹飭自好三子汝梅澍嘉植皆親教之學行一如其父澍庠生汝梅舉優嘉植丁酉選貢充四庫館膳錄需次教諭爲諸名公所器重戊申歸里卒士林惜之

公舉

以上胡志

巫蘅字芳洲歲貢生歲科試輒冠軍有聲庠序乾隆丁未以明經入太學肄業敦品植學爲人所稱著有據梧

吟草

參裕志

王文琴字羹遇號松樵歲貢生攻苦力學爲人崇實黜華內行敦篤及門多一時俊彥乾隆壬子州守胡聘修志書晚年尤精易理著有雜卦傳雜解子若弟承其業俱有聲庠序

裕志引
通志

同時戈溱字仲占章毓良字仲山

潘躍龍字汝霖濮陽泲字醇甫沈履仁字坦人沈煒字

煥文俱淹雅能文與文琴同修志書

纂

周夢霞字兆和號錦如幼穎悟矢口成章少有解縉之

目爲文力追八家著有錦如詩略

裕志引
通志

廣德州志

卷四十一

文苑

十

濮陽鼎字季晦號退谷廩生少負不羈之才耽吟咏著古今體詩三百首嘗闢園多栽菊號曰晚香卽以名其集教子弟勉以研經砥行涇縣朱晦亭輯江左詩鈔選錄其詩鼎又增續皇甫謐高士傳以明其志學者稱爲

退谷先生

裕志

方兆元字念祖號訥齋歲貢生食貧力學鄉闈屢薦不售教授生徒以敦品植學爲先平生不履公庭當道聞其名招之不往年耄失明猶厄厄著書不輟每口授生徒繕寫存稿卒年八十四

裕志

王錦芳字花洲號晴苑歲貢生績學能文好汲引後進嘗謂門弟子曰吾輩讀書當以謀道爲己任年七十餘勤學不倦著有海棠館文稿及門若吳斗南劉庚王國煥陳萼皆彬彬儒雅道光初知州張文鳳重修州志延錦芳分纂並贈儒林德叟匾額

參裕志

王錕字子和號劔谿錦芳子嘉慶甲子舉人天資卓犖工詩文少受知於知州胡文銓後汪文端奇其文亟賞之屢上春官不第鬱鬱抱病卒於山東客邸著有金谷初春燕中草我愛廬詩集詞集俱散佚

裕志引
通志

廣德州志

卷四十一

文苑

十一

余懋功建平人嘉慶年恩貢生能詩與同邑孝廉韓哲華結社聯吟主持風雅後官銅陵教諭同邑歲貢楊士熊史發瑞俱穎悟絕倫有文筆與懋功齊名

採訪冊

呂秉珩字寶泉建平人道光丁酉舉人績學能文落筆有豪氣風發泉湧直逼韓蘇著有集咸豐未賊至避居高渚鄉間憂鬱成疾卒

採訪冊

劉寶書字玉堂居州城道光丁酉拔貢父充廣德營行伍食貧寄居營房寶書生而穎異讀書數行下行文脫口而出都雋妙與董文奎切劘爲古學業益進兼通音

律試輒冠軍有聲庠序學者爭趨門下丁酉選拔經題
爲尊酒簋貳用缶獨得題解學使沈嘉其文武弁某曾
乞壽言寶書以俗語點綴成文應之膾炙人口鄉闈十
一薦不得售卒年四十八所著詩文無存採訪冊

董文奎字星垣號芥舟歲貢生我濱見義行傳子性穎悟爲

諸生耽吟咏善書尤工草隸得者寶貴兼通音律同人
贈詩云花間絲管調清夜紙上烟雲起素秋其風致如
此嘗宿逆旅苦寂寥有請度曲者文奎選取磁碗數具
擊以箸韻叶宮商聽者悅耳晚歲目盲或持扇乞書文

奎摸索得句云東塗西抹了無成歲近桑榆頓失明焚
研多年久閣筆嗜痂今喜遇先生書法生動見者不知
其爲瞽也著有芥舟詩草採訪冊

王敬恩原名用賓字福波少有文譽道光丁酉舉人十
上春官不第授徒自給咸豐三年大挑選授績溪訓導
十年曾文正公剿賊祁門敬恩入幕府治文書馳護老
母得無恙人稱其孝十一年克復徽州安慶保陞知州
卒病篤時託遺孤秉謙於其友前廣德知州朱德芬教
養得以成立以見其能取友也敬恩性豪邁文思敏捷

縱橫議論頃刻千言著有福波詩文集卒葬於東流新通

志參採
訪冊

李鳳鈞字韶生歲貢生居城東楊灣里爲進士劉丙之外孫故學有源本工於詩古文詞居恒授徒爲業從游者眾鄉闈屢薦不售吟咏自若視科名得失淡如也性疏曠不治生產事母盡孝咸豐十年二月賊至母劉氏赴水死鳳鈞馳救不及從之俱死採訪冊

武功

有文事必有武備二者不偏重也桐郡山勢雄傑篤生偉人自明以來克奏膚功者卓卓可紀萬歷志有武胄門楊志入選舉李附宦績茲別爲武功

明

湯達之少以智勇聞嘗客遊無錫遇太祖兵投充麾下從征張士誠堅壁不下達之舉巨石擊開城門遂平姑蘇同輩疾其功中以蜚語尋誣奏籍沒其產已而謂功不

可泯復給還

萬歷志

廣德州志

卷四十一

武功

十四

濮陽成字子義沉毅有遠志膂力絕人明太祖兵至廣德幸祠山時成尙童年潛伏殿閣以覘上仰見人影命射之應弦取矢不能害疑爲刺客命舉火焚之道士以神應辭得免後兵駐宣州大閱成從焉試射角力充靈壁侯湯和麾下百戶歷隨耿元帥拓地克敵功陞千戶緣事充廣德翼小旗後屢立戰功封武德將軍世襲金山

衛百戶

萬歷志

蔡汝蘭字子芳

舊作方誤今從李志

州廩生博學善書浙直總督胡

宗憲嘉靖間視師海上聘掌書記積勞授都閩歷南贛

參將子沒王事世襲千戶

萬曆志

宋大斌由卒伍隸汝蘭麾下積勞至遊擊將軍征倭復朝

鮮有功績論功晉遼東參將未拜官卒

萬曆志

國朝

章良臣字鼎賢少孤貧有大志康熙初應募入閩爲武

弁金某子遂冒其姓從平耿逆及澎湖臺灣諸寇敘功

加十九等授左都督榮祿大夫權潮州府黃岡右營九

年引疾歸里軍士感其德立石頌之

據章氏譜增

李國盛字公宇號瑞卿建平人從戎河南康熙十四年

廣德州志

卷四十一

武功

十五

值耿逆之變隨征福建授把總調衢州千總屢以戰守

著績明年調金華協營破賊馮公輔身先士戰復宣平

縣進勦大溪灘生擒賊黨隨由江山進仙霞嶺連克三

關及浦城建陽等縣並建甯府部議敘功九月進師延

平贛運軍糧接濟十月率兵次小門山枕楓嶺殺賊焚

寨十六年調省監修戰船十八年攻漳州守鳳山日夜

堵禦十九年攻獅子山并陳洲馬洲灣腰樹觀音山等

處連破十九寨克海澄取廈門加功三等授都司尋又

敘功加十九等授左都督註入宣州衛籍二十八年任

遵化城守營以左都督攝遊擊事食一品俸以疾休致
世襲全俸

誥贈榮祿大夫國盛子廷芝世襲拖沙喇哈番歷署山東

壽樂甯福二營都司青州營守備乾隆二年新銜世襲

雲騎尉

李志

以上胡志

許榮桂州人爲把總同治元年三月隨兩江督標湘勇
親兵營克復柘林奉賢金山南滙等城歷著武功復於
三年三月隨攻太倉州力戰陳亡奏准以千總例

廣德州志

卷四十一

武功

十六

賜卹世襲雲騎尉

文卷

孝友

孝弟力田漢以取士所以維風教正化源也桐鄉以
孝行著者代不乏人雖其中割股一節事涉傷生而
自唐史已載之蓋愛親甚於愛身實有難能可貴者
舊志孝義合登茲析為二而唯孝斯友遞及以觀內
行焉

唐

潘晃事父至孝嘗以役事至京一夕夢祠山神告曰汝父
病篤晃覺驚惶不已日夜奔走以歸一夕復夢神語曰

廣德州志

卷四十一

孝友

十七

汝父疾愈歸問其故果如夢中言

南畿志云人以為孝感

後父卒

廬墓側芝草累生元宗詔旌其門

萬厯志

授廣德令

明一統志

案晃事載南畿志通志並同惟不言神為祠山萬厯

志稱旌門在天寶間只言廬墓生芝而不及夢楊門

志又刪去所旌之朝今依一統志原文錄之

宋

李彭年紹興間進士嘗割股以療親病後以二親沒於兵
感慕不已蔬食終身郡守洪興祖聞於朝詔旌表其門

萬厯志高宗旌表其都曰旌孝

人號其里曰旌孝

明一統志

陳士儀字正國事親孝親沒廬墓六年歲荒捐穀三千石
賑饑全活甚眾南渡時軍需匱乏助餉十萬宋帝嘉其

孝義

李志 案陳士儀舊志俱無傳

王安兒居建平桐汭鄉不知何時人相傳鄉舊有阮橋廟
安兒父病篤禱於神割股肉和粥以進父即愈鄉人因

名其廟為割股

通志萬曆

李貴建平人居原通鄉事親至孝承顏順志終身不衰處
宗族賙貧恤孤樂善好施鄉人因名其居傍之橋曰孝

義

通志萬曆

廣德州志

卷四十一

孝友

十八

范日進建平人咸淳時家眾三百口不分產鑿雙井共汲

惇睦無間

通志 案李志列明人宗維漢後考萬曆志明言咸淳時人則李誤也

明

姚觀壽有孝行洪武間旌表

南畿志

父病篤憂惶無措割股

進病遂愈洪武二十六年旌表其門

萬曆志

案明史孝義傳太祖於割股臥冰傷生有禁故於所

稱事親盡孝者有萬里尋親三生廬墓聞喪殞命負
骨還鄉等款而所列被旌姓氏洪武時有廣德姚觀
壽等據此則觀壽所以被旌者當於上數款中求之

不應專以割股爲孝南畿志但言有孝行甚得闕如
之旨州舊志及通志但專言割股恐未盡當今兩仍
之又萬厯志云潘晃李彭年姚觀壽三人俱久湮宏
治十六年知州范昌齡總建一坊蓋以表已往勵將
來也

潘顯字仲素建平人永樂癸卯舉人父尙直永樂戊子沒
王事顯哀毀廬墓三年卽隱居白石溪自號白石居士
縣令李造其廬勸之仕不應景泰間煮粥賑饑有糴穀
者聽其自取曰我固不吝汝亦無濫取也年八十卒妻

廣德州志

卷四十一

孝友

十九

馬壽九十六

據縣申
稿增

湯文炎字南伯進士居易孫六歲喪母父娶繼母生弟妹
九人文炎事繼母盡孝友愛諸弟人無間言父宦歸分
產文炎曰先諸弟然後及我以父蔭任官采石每得異
品必遣人先獻父母然後敢食人稱爲純孝君子萬厯
王應鯉字時化號兩溪建平人嘉靖壬子舉人蚤年師事
宣州沈古林貢受軒因從鄒東廓歐南野錢緒山諸名
公講學事繼母張氏以孝聞楊志母歿應鯉哭泣不輟兩
目不見二年後復明貢受軒誌其墓以王祥方之李志

胡湛明字空如建平人性至孝父母有疾衣不解帶色養備至後棄舉子業肆力於濂洛關閩之學得其要領集生徒講學於南門法雲菴邑人稱理學者推湛明焉

楊志

孫允昌節婦劉氏子克承先志事劉温省靡間侍疾嘗溺衣不解帶者月餘人以爲節婦之報

閱以棟續萬歷志

許致身庠生天性孝友割股救親訓弟成名終身不履曲

徑人以比子羽

續萬歷志

陳常字于夏號元同建平人性至孝家貧力學耕田以膳父母年四十始遊庠父歿廬墓哀號不絕終喪乃己母

廣德州志

卷四十一

孝友

二十

死亦如之縣令及學使屢加旌異

楊志

宗文獻建平人庠生天性孝友母病躬治湯藥衣不解帶者三月母死廬墓側虎夜繞其廬學使御史兩旌篤孝

子介天啟甲子舉人

楊志

潘事心字若泰建平人庠生孝友恭讓方新婚而親沒哀毀骨立躬負土結廬墓側六年不入寢室學使嘉賚之

通志

楊志

李茂字茂才建平人庠生潛心理學父母卒俱廬墓三載疊膺旌異後茂卒繼室吳氏年二十八勵志守節人以

方鮑宣夫婦焉

楊志

岑熙建平人以孝行著於鄉客都下得遺金五百兩於旅次求其人還之御史馮明玠爲記其事少時館於外夜分有鄰婦挑之拒不納生平言行一以聖賢爲法崇禎年政府欲畀以官不就歸以琴書自娛庚辰辛巳連歲大祲破產以賑親族之無告者後有盜過梅渚相戒曰此善人之里勿犯也遂引去

通志
楊志

王棟臣字吉甫建平人年四十刲股愈父病兄夢臣宦辰州卒徒跣抵楚舁骸以歸撫姪洪教成立且婚之三十

廣德州志

卷四十一

孝友

二十一

喪耦不再娶

李志

史贊化字調元建平人父病默禱於神刲股和藥以進父

疾得瘳

楊志

姚景鰲建平人性篤孝父卒廬墓三年猶不忍歸遂課子於其中每食必獻者又三年事後母亦以孝聞

楊志
李志

宗翔南建平人年十四母病聞其父曾刲股療祖疾遂引刀割以和藥進母後翔南病篤妻沈氏亦割股療之

楊志

王國義字希宜建平人父早卒爲遺腹子語及父容輒流涕母歿廬墓側苦塊獨處伯兄早逝無嗣歲時祭必盡

哀族人喪葬不舉罄所有助之

門志

王顧八建平人家貧力耕母病衣不解帶旦夕禱願以身代割股四寸餘和饘粥以進吮父疽奉侍三月不懈

楊志

宗光國字維城建平人十六補諸生父爲仇飛構頓顙流血請代父杖臺使者宥之崇禎歲連禳道齎交錯施棺席瘞之有楊思奇者貸光國金將鬻妻以償卽不更索復賙給之

門志

田士聖建平人髻年失怙事母至孝母死躅踊慟絕旣安厝遂斬茆爲廬獨居守墓妻孥衣食弗顧也怨慕號泣

廣德州志

卷四十一

孝友

二十二

三年如一日張邑侯給匾獎之

李志

潘之藩建平人性孝友勤學問訓子弟以敦樸與人交推誠行恕里人多信之年七十餘值土寇劫掠之藩率族人連保甲設禁約互相守望羣賊不敢窺一方賴以安

全

李志

戈觀字子華號鄰竹行醇謹兄六十乏嗣爲之買妾舉子歲饑疫煮粥延醫鄉里蒙惠崇禎十五年舉優

李志

戈天濟字時盛事親盡孝爲里黨所推崇禎癸未巡撫賀

登選表其閭曰孝行

據戈氏譜增

潘紆字服之建平人庠生少孤立學兄弟以父喪家貧徙他郡紆置田宅招之歸歲大饑出粟以賑病者醫藥死者棺殮鄉里稱爲善人

李志

葛允仁生十餘歲母周病篤刲股以進母遂愈逾十二年而卒事繼母施委曲承順年已四十猶孺慕也父病歿

割股廬墓晚年事佛不倦鄉里稱孝善云

續萬曆志

張守信幼喪父事母以孝稱母病割股救之既歿廬墓三

年

續萬曆志

國朝

廣德州志

卷四十一

孝友

二十三

包虹字文長庠生事親盡孝父病篤嘗糞甘潸然泣曰甘則不可療矣禱於神以身代父歿廬墓日夕哭奠與家人不相見者三年當事屢旌之

李志

戈羽明號思竹行端方事父竭力承歡父死盡哀足跡不履公庭康熙十一年舉優

李志

雲載德字宛聯庚子武舉弟潤礎庠生客浙江湖州之南潯鎮死於非命載德聞之號慟幾絕泣訴兩浙當事卒爲豪紳猾吏所阻載德赴京控部事得白羣凶服辜

李志

宗維漢字子廣號慕蘇建平人歲貢生宋畱守諡忠簡
澤之裔孫父患背疽維漢吮舐得愈後母病侍湯藥衣
不解帶者兩月露香籲天願以身代刲股以進病愈人
以爲孝感後母沒哀毀骨立旬餘不進水漿嘗廬墓悲
號暈仆經日始甦母性好施捨維漢承順不倦出母所
積金六百兩設廠賑粥更捐貲以瘞貧不能斂葬者邑
長圩水潰里黨艱於補築維漢復出母遺金募工修築
十里完固倍昔縣志康熙戊子甲子水旱爲卹老羸歲
以爲常人皆感其母德而並服其孝思之純篤也雍正

廣德州志

卷四十一

孝友

二十四

十一年建坊旌表祀忠孝祠

通志
楊志

陳乾字亨之竭力事親弟天撫姪如子族有賣子典身
者出銀代贖貧人債負焚券不取地方染疫爲貧者延
醫死則施棺人頌其義

通志

濮陽翼字羽成貢生居家孝友慷慨好義諸姪幼孤翼
撫育之經營其產業寸絲斗粟皆有籍可稽姪成立悉
還之嘗買婢廉知爲宛陵良家子破券歸之郡守周謀
構尊經閣翼捐金成之戊子己丑荒疫翼施粥施棺鄉

人德之

李
志

濮陽曉字粲東號勉齋廩生天性孝友志操狷潔訓迪後學殷殷不倦從遊者近千人初艱於嗣將置妾適堂弟欲娶乏聘曉卽以買妾資爲完娶焉戚屬有盧某負豪右銀百餘金計窘圖自盡曉傾囊不足更稱貸代償人稱其義

李

志

胡夢麟字仁山事繼母得其歡心撫幼弟以友愛一生不與公事雍正八年舉優

李

志

雲像曾字念詒貢生少孤事母曲盡愛敬母少不如意卽長跪色喜乃起母疾篤禱神願以身代侍奉湯藥衣

廣德州志

卷四十一

孝友

二十五

不解帶月餘嘗爲母誕稱觴母曰我有素志未遂爾曾祖嘗兩次蠲穀千三百石以濟貧乏爾獨不能承祖志乎像曾欣然承命散穀七百餘石閭里德之又割腴田一百二十畝爲族義產創廬以守祖塋捐金以修宗譜皆母志也像曾可謂孝矣乾隆元年奉旌

李

志

徐宗安建平人先世蕪湖人父始居梅渚宗安幼孤哀慕如成人家貧業鑷工妻孫氏勤紡績朝夕必具甘旨母怡然忘其貧母歿宗安毀幾滅性旣葬事木主於堂寢其側盛暑不施帷帳邑令衛聞而賢之賜米二石錢

三緡宗安辭固與之則拜謝受二升米三十錢裹歸以錢市酒肉炊米作飯哭奠於墓前鄉人稱之曰廉孝子

建平
存稿

潘安鉦建平人年十三父佐龍得疾宗鉦泣禱求以身代服勞徹夜瘠且骨立佐龍以事奉逮當解臬司宗鉦請代行桎梏就道顏色怡然蓋恐父悲也途中夢魘囁語猶奉湯進藥至泣涕驚寤數月歸星夜疾走入門問父病猶未痊也弟又病亡遂以憂勞成疾死邑令蘇表

其閭曰孝同舒倬

建平
存稿

廣德州志

卷四十一

孝友

二十六

沈衡字渭呈庠生以貨殖佐其父治產初止三頃數年增倍父沒有異母弟四人盡推與之己僅取十畝曰余習會計無賴是也事繼母盡孝凡葺學宮明倫堂福星橋諸義舉皆藉其力徐詹二守先後贈匾曰孝友足法望重儒林又助田祖祠爲外祖王氏置祠田子綱別有傳孫斌壬申武舉登瀛廩生補弟子員者七人咸謂兩

世積善之慶云

沈氏
譜

周纘緒字膚功幼有至性執父喪三年不入內寢州俗始死設靈牀旣殯卽撤甚有喪未踰月其家若不知有

凶事者纘緒執不可進盥上食一如生存釋服乃已間
日省墓歸必涕泣竟以積毀成疾卒

周氏譜

潘藻龍字汝明庠生幼出繼於從叔忱祚忱祚卒哀毀
若成人事祖母及母以孝稱其父行恕好義傾家施予
所居巷苦泥濘修砌之貲竭藻龍鬻己產以佐又爲同
母弟四人娶婦坐是亦貧舌耕以終無怨言亦無德色
季弟早亡哭之慟弔以詩數十章力學徹晝夜稍倦則
以手擊顙卒年四十一病革時以祖塋被侵未復母老
未能終養痛自引咎子鳳梧庠生

公舉

步濬文庠生禹功子乾隆甲午禹功戍甘肅之甯州挈
繼妻李偕往濬文時年十七請隨行朝夕奉事惟謹禹
功雖罪譴所過必訪問古蹟濬文常先後之有所得輒
走白以悅其心逾年始還戊戌夏負擔往省三十六日
而至禹功壯之歸抵汴梁值河決徒跣繞道七日路無
人烟越五年又往值回匪滋事父促之歸丁未春復往
旣還而禹功病沒濬文聞訃哀毀隨赴甯收父骨并迎
母及幼弟歸養之弟生於甯年已十四矣

以上胡志傳末附錄步濬文事蓋以其時濬文現在

加附字以別之今改爲傳而去其論斷語

趙益緒字元行號允質以孝友稱人無間言妻早故鰥居四十年不再娶孺慕終身道光四年提學張獎曰孝

行是敦

參裕志

王家發建平人早失怙事孀母孝母疾籲天求代及卒

喪葬如禮廬墓三年道光二年

旌

裕志引通志

裴洪玉建平人九歲失怙恪遵母訓成人後不離膝下母病痢侍疾衣不解帶者累月中幫廁踰皆自任之常籲天願以身代及母卒家極貧喪葬盡禮廬墓三年衰

廣德州志

卷四十一

孝友

二十八

經終喪不薙髮道光二十五年

旌

參裕志

濮陽乾字子健道光乙未順天舉人性孝友勤學幼嗣胞叔嗣父母故善事本生父母及孀居孀母劉氏服勞無間道光十三年爲孀母請

旌建坊辛丑會試卒于

京邸年三十六著有陶陶軒文稿評茶館詩集未梓

裕志

張永清字應朝號望侯庠生孝友著於鄉閭與弟履侯析產多推讓家故饒推解不吝歲饑捐賑全活甚眾精醫術求診視無不應拒饋遺遇貧者且施藥有過門投宿者里人知其病不納永清惻然曰是尚可救延至家

藥之而愈永清尤友愛其弟至老不衰卒年七十餘

裕志

引通志

劉壬廩生性純孝年十歲侍母疾如成人不離牀褥事

父亦如之精醫術有延之者必徒布往治

裕志

王相品建平人躬耕養親父母歿俱廬墓三年

新通志

夏尙隆建平人刲股和藥療母親澣茵袒母歿廬墓三

年寇至守墓不去被掠投水死

新通志

呂型建平人廩生事親以孝聞賊至型侍母病不去遇

害又呂偉以救母遇害諸生王鼎甲王增甲俱以救父

廣德州志

卷四十一

孝友

二十九

遇害

新通志

濮陽嘉字適齋廩生成豐元年舉孝廉方正居恒授徒

自給事母盡孝母沒以所遺衣物緘置笥中至忌日輒

啟視流涕不止十年二月館西鄉蘇村賊突至欲脅其

徒並及嘉嘉矢志不辱自縊死生平立品端正訥於言

至是從容就義咸以爲名實相副云同治五年

旌舉公

王承雲住廣德盧村咸豐十年賊撲州城父子三人同

被脅承雲泣告曰父老弟幼難供驅使獨我可賊然之

但脅承雲去過溪投水死時年十四

新通志

宋朝和建平人九歲喪父家極貧傭工養母日數歸躬炊爨供母母病咳嗽痰盛汗坐臥處親自洗滌侍湯藥十餘年不懈母卒守墓不去咸豐十年賊至被害採訪冊

吳茂林字曉邨居州城道光甲辰舉人自幼家貧奮志讀書年十八游庠父以負逋憂鬱死遺兩弟家益困饔飧不給茂林訓蒙妻紡績仲弟爲人傭季尚幼教之讀一家皆食粗糲而以甘旨奉其母弱冠試高等食廩餼從學者曰眾積脩脯爲弟完姻謀生業宿逋千金皆償之會粵逆陷金陵不時警至奉母遷居北鄉之雙溪村

廣德州志

卷四十一

孝友

三十

未幾卒公舉

呂偉建平人庠生少孤事母孝同治元年賊踞城偉母王氏年逾八旬命其子遠徙爲似續計而偉侍奉甚謹旦夕不離於母側後賊至俱死於難公舉

呂汝志家貧少孤事母以孝稱尤篤於友于之誼不蓄私財汝志年八十其弟汝懋年七十餘未嘗析居教諭蘭贈以兄友弟恭匾額公舉

呂登建平人歲貢生素性誠樸事親以孝聞咸豐六年賊突至其父年已八旬餘殘疾不良於行登扶父陟山

谷間以身衛父遇賊捶楚備至重傷致死臨沒時猶謂

于子道有遺憾云

採訪冊

附

詹德潤原籍湖北住州西鄉曾割肝愈母疾光緒五年

知州胡詳請 旌表並以奇孝可風匾額獎之

文卷

廣德州志

卷四十一

孝友

三十一